

autor Courtingius Heru

Brevis ac præliminaris

Enumeratio CAUSARUM,

ob quas

SERENISSIMUS ET POTENTISSIMUS
PRINCEPS AC DOMINUS,

Dn. CAROLUS
GUSTAVUS,

Svecorum, Gothorum, Vandalorumq; Rex, Magnus Princeps Finlandiæ, Dux Esthoniæ, Careliæ, Bremæ, Verdæ, Stetini, Pomeraniæ, Casubia & Vandalia, Princeps Rugiæ, Dominus Ingridiæ & Wismariæ; nec non Comes Palatinus Rheni, Bavariæ, Juliaci, Cliviæ & Montium Dux, &c.

coactus est

Regem Poloniæ
bello adoriri,

STETINI apud JOH. VALENT. RHETIUM,
S. R. M^{ris}. typographum. Anno MDCLV.

od H. Buchcoskiego z Sztokholmu Nr 1679



177531
I hr



Etus verbū est: Furor
fit lesa sepius patientia. Quod au-
tem non patientia duntaxat Sve-
corum, verum etiam ipsa pacto-
rum religio à parte Polonorum,
multis modis lesa & violata sit,
deniq, necessitate adauctam esse Sac. Reg. Majestatem
ad capienda adversus Regem Polonia arma, ante-
vertendaq, ea mala, quæ sibi à dicto rege jamjam
imminere vidit; id sequentibus comprobabitur.

Nam etsi pactis Stumdorfensibus sancitum est, ut
Reges regnumq, Polonia omni hostilitate abstineant,
durantibus induciis, adversus Reges Regnumq, Sve-
ciæ, eisq, mediate vel immediate subjectas Provinci-
as, castra, civitates ac territoria, nec quidquam
per se moliantur ac tentent, tentariue faciant, in
horum detrimentum aut præjudicium; tantum ta-
men abest, ut credi possit, BOTIUM cum militaribus
copiis, inscio & invito Rege Polonia ULADISLAO
QUARTO, tot Provincias & Ducatus dicti regni per-
vadere potuisse, ad infestandam armis Livoniam:
quin potius certis documentis constat, instigasse Re-
gem

gem Polonia eundem BOTIUM, ut illam expeditionem
susciperet. Quod antememorati BOTII institutum
etsi effectu suo in aliquibus caruit; plurimum tamen
mali inopina illius irruptio subditis Regni Sueciae ibi
locorum attulit: nam multi, paſtorum religioni fi-
dentes, trucidati, bona eorum direpta & spoliata,
magnusq; metus illi provinciae illatus. Ac licet ea de
re per literas quæſti ſint Senatores Regni Sueciae apud
Senatores reip. Polonæ Magniq; Ducatus Lithuaniae,
nihil tamen ſolatii retulere; ut argumento ſit, hoc non
tantum ſcientibus, verum etiam impellentibus Polo-
nis accidiſſe: proinde nec à veritate alienum eſt, ha-
buiſſe tum temporis Lithuanos exercitum ad manus,
quo recuperarent Livoniam, exercitu & præſidiis
tunc deſtitutam, ſi propoſitum BOTII ex voto ſucces-
ſiſſet; ad minimum illius facti authores merito cen-
ſentur, quod, ubi voluiſſent, impedire potuiſſent.

Par etiam ratio irruptionis CROCKOVII in Pome-
raniam fuit, quæ à parte Polona averti potuiſſet,
niſi res Suecorum in Germania turbatas, eamq; pro-
vinciam, proximum rebus afflictis perſugium, deva-
ſtatam voluiſſent. Nec ſatis fuit Polonis, CROCKO-
VIO tranſitum indulgiſſe: verum etiam ex Putcenſi
fortia-

fortalitio, aliisq; in Borussia locis, auxilia & tormenta eidem submissa. Et nisi hostiles illæ copie ope Comitum KÖNIGSMARKII, tum temporis Generalis vigillum Praefecti, ejectæ fuissent, eam provinciam, ut & adjunctam illi provinciae maris Balibici oram, in summum discrimen adduxissent. Et, si culpa vacare voluissent Poloni, utiq; petentibus Svecis, ut reditus CROCKOVIO per Poloniam prohiberetur, vel ut eundem persequi sibi liceret, haud facile denegassent, manifesto tum hostili erga Sveciam animo.

Quibus machinationibus Oeselia Insula, quæ postremo cum Rege Dania bello, factaq; ad Bromsebroam pace, Regno Sveciae cesserat, à Rege Polonia ULADISLAO sit tentata, quamve cessionem illius Insulae impedire sit conatus, Ejusdem ad Ordines Oeselanos literæ ac diploma, Cubiculario suo BERGIO traditum, quo eos ad defectionem sollicitaverat, satis superq; commonstrant. Nam tametsi nihil unquam juris sigillatim in antememoratam Insulam, toto illo tempore, quo sub ditione Regis Daniae fuit, prætendit, atq; cesserat eandem Regi ac Regno Sveciae, certis cum Rege & Regno Daniae pactis, scivit, Christianissimo Galliarum Rege & Dominis Ordinibus Generalibus

Fede-

Federati Belgii mediationis officia praestantibus, non destitit tamen hostilem in Svecos animum re ipsa testatum facere, & fortasse nec spe sua frustratus fuisset tam recenti mutatione imperii, nisi provida Gubernatoris Svecici cura hanc Poloniae Regis machinationem intervertisset.

Adhuc tentatam fuisse fidem subditorum Regni Sueciae in Livonia, haud incertis testimoniis constat; qui etsi in officio permanserunt, non potuit tamen Rex Poloniae violatorum pactorum culpa carere.

Nec defuere cum Rege Daniae CHRISTIANO QVARTO, tum temporis alieniore, ut & ARNHEIMIO & BAUDISIO molitiones in perniciem Sueciae, quae singula recensere longum foret, & à proposito nobis compendio alienum.

*Hac tempore ULADISLAI QVARTI patrata; nunc ad ea tempora, quibus fratris sui successor, rex JOHANNES CASIMIRUS, Poloniae rebus praefuit, deveniendum. Etenim constitutum sibi habuit Serenissima & Potentissima Svecorum Regina, Domina CHRISTINA, cum Principibus regni Poloniae sinceram amicitiam colere, utpote tam propinquo sanguine sibi junctis, & quod satis longinqui temporis inducia
spem*

spem facere viderentur, consopiri aliquando posse mutuas utrorumq; Regnorum controversias, stabilemq; necessitudinem, inter Principes tam arcto sanguinis nexu devinctos, reduci. Eoq; rogatu dictorum Principum, videlicet JOHANNIS CASIMIRI & CAROLI FERDINANDI, Fratrum, haud gravate commendatione sua apud Senatores Ordinesq; regni Polonia Magniq; Ducatus Lithuania intercescit, ut in electione novi Regis, praecipue dictorum Principum rationem habere vellent. Addidit etiam deinceps hoc singulare affectus sui erga modernum Polonia Regem documentum, ut illius causam reip. sigillatim commendaret, annitereturq; omni modo, ut antememoratus Rex voti sui compos fieri posset. Quod Reginae studium etsi prosper & voti dicti Regis congruens eventus consecutus est; Eum tamen nihilo mitiorem se praeuisse, & ad aeternam cum Regina Suecia pacem propensiolem, sequentibus probabitur.

Initia insignis illius amicitiae, quae tum promittebatur, haec fuere, ut in commercio literarum cum Regina Suecia latina lingua uti noluerit, nullam aliam ob causam, quam ut hocce modo devitaret eam titulorum rationem, quae pactis induciarum est expressa, titulūq;

lumq; Suecia Regibus adstruit, Polonia vero Regibus derogat; id unice agens, ut hac via ipsum pactorum fundamentum convelleret.

Deinde insudasse Regem Polonia indigitata superius defectioni subditorum Svecicorum in Livonia, & Rige capiende consilia agitasse, certo certius liquet.

Adhuc Cosackorum gentem à Rege Polonia sepius invitata fuisse, ut in Livoniam irrumperet, resq; Svecorum ibi locorum turbaret, haud levibus indicis compertum habet Sacra Regia Majestas. Ita infesto regis Poloniae erga Svecos animo, nihil defuit, nisi ut pessime cogitata adversum innoxios & pactorum observantes (quos nec unquam fracta pacis causa gens Polona culpae potuit) exequi non potis fuerit, sic disponente Divini Numinis justitia.

Sunt & multa alia contra pacta, fidemq; publicam, subditosq; Sac. Reg. Majestatis factitata, quae uberiori causarum declarationi ex ipsis actis deducende relinquuntur. Et potuissent haec fortasse aliquanto diutius inulta tolerari: Verum ex quo Sueciam Rex & Respub. Polona, ostentatione perpetuae pacis, toties ludificavit, & interim crebris internunciorum missionibus; interim binis Lubecae inter utriusq; partis Com-

Commisarios congressibus, fucum Svecis fecit, non esse se à perpetua pace alienum, nullo alio fine, quam ut tempus traheret, nocendi facultatem captaret, varios in regnum Sveciæ hostes concitaret, occasionemq; Svecis adimeret finiendæ gravissimæ illius controversiæ, quæ utraq; hæc regna maxima bellorum calamitate per multos annos afflixit; necessitatem S. R. M.^{ti} Regnoq; Sveciæ dictus Rex imposuit inferendi belli. Nam ut cætera omittantur, hæc, quæ obiter dicenda sunt, docere possunt, quam parum animi regi Regnoq; Polonia ad pacem perpetuam fuerit.

Quippe primo congressu Lubecensi Commisarii Polonici plurimis vitiis refertas Plenipotencias adduxerunt, ubi titulum S. R. M^{ti}. Sveciæ sibi arrogavit Polonia rex; subruto hocce modo ipso pactorum fundamento. Ac licet antenominati Commisarii, agnito errore suo, fidem Legato Gallico fecerint, habituros Commisarios Sveciæ intra trium vel quatuor hebdomadarum spatium alias & emendatas plenipotencias, atq; Commisarii Svecici eâ spe Lubecæ tamdiu præstolati essent; nulla tamen advenire, conjectâ in semetipfos culpâ, quod regem suum à tam præjudiciosa sibi, ut putabant, mutatione alienum, ea de re compellare non sint ausi.

Secundo Lubecensi congressu, hoc præter alia in mora fuit, quod sigillo Plenipotentia regis Polonia insignia Regni Sueciæ essent impressa, contra quàm pactis congruens erat, & alias observatum fuisse, testimonio Magni tum Cancellarii regni Polonia ZADZICKII, Principis ea tempestate Legationis Polonica, Legatorumq; Angliæ & federati Belgii, satis superq; constabat. Et licet etiam hacce vice Commisarii Suecici testati sint, velle se emendatam Plenipotentiam, ubi haberi posset, expectare; nihilo tamen magis, res æquissima, à Polonis, annitentibus Mediatoribus, potuit impetrari. Ita ut hæc potissima cura regi Polonia fuerit, quo tempus falleret, atq; tanta preliminarium mora objecta Suecos impediret, quo minus ad Tractatum ipsum devenire possent, adeoq; de violatione pactorum queri & satisfactionem exposcere.

Hisce & id accedit, quod quamvis CANASIHLLI in Sueciam misso, indicaverit Rex Polonia, velle se Legatos suos Reiq; Pub. Poloniæ ad S. R. M.^{am} ablegare, qui tractatum de perpetua pace coram sua M.^a auspicarentur, absolverentq;, atq; in id consenserit S. R. M.^{am} ea tamen lege, ut Legati Polonici properè accederent, licet non obligata fuisset Sac. Reg. M.^{as} ad resumendos tractatus, cum semel atq; iterum frustra

tentati fuissent; nihilo tamen magis Legati conditio
tempore accessere, sed illorum loco internuntius qui-
dam, JOHANNES MORSTEINIUS appellatus, qui nul-
las ad tractandū, statuendumq, de pace perpetua, ple-
nipotentias adduxit, verū literas tantum fidei à Re-
ge, id præjudicii involventes, ut sub annis regnorum
suorum (cum unum tantum habeat, videlicet Poloniæ
regnum) ad calcem literarum annotatis, innueret, se
esse Sveciæ Regem, titulumq, illius Regni, quem in
fronte literarum S. R. M.^{ti} ex pactorum præscripto
tribuisset, esse frustraneum & inanem; ut silentio
transeatur, omisam unam & cæterationem in titulo
S. R. M.^{ti}, quæ paritati inter utrosq, Reges ex pacto-
rum præscripto observandæ derogaret.

Sed quod inter præcipua censeretur merito debet, ne quid-
quam intactū relinqueret Rex Polonia, quo jugulū sta-
tus Svecici peti posset, peregrinas etiam classes in mare
Balthicum non ita pridem inducere est conatus, fæde-
raq, cum variis Principibus, populisq, qui dictū Mare
accolunt ac frequentant, inire, S. R. M.^{te} solā exclusa;
ut luce meridiana clarius sit, dictas classes adversus S.
R. M.^{tem} Regnumq, Sveciæ fuisse destinatas; cum tamen
Pactis Stunsdorffiensibus statutū sit, ne Reges aut Res-

publ Polona adversus Reges, regnumq₃ Suecia, subje-
ctasq₃ ditiones ac Provincias, classe ulla maritima,
navibusq₃ utantur, durantibus Inducius; indicantibus
hoc etiam Regis GUSTAVI Magni cum urbe Dantis-
cana pactis, Ducumq₃ Borussia & Curlandia cautioni-
bus. Deinde, nulla tali classe, hoc praesertim tempore,
opus habuit Rex Poloniae, cum Mare Balticum à tur-
bamentis sit immune, nec à quopiam libertas ejusdem
commerciorumq₃ infestetur; ita ut illi potissimum rei
intentus fuerit antememoratus Rex, quo tutelam sa-
pe dicti maris, ab antiquo Regum Sueciae peculiarem,
turbaret, illudq₃ S. R. M.^{is} iusq₃, quorum salus in ejus-
dem commerciorum libertate sita est, infestum redde-
ret, & inita cum aliis societate, hoc pacto inter S. R.
M.^{tem} amicosq₃ suos diffidentiam excitaret, eosdemq₃
ab invicem sejungeret, complures S. R. M.^{ti} Regnoq₃
Sueciae ea ratione inimicos parando.

Cumq₃ non dubitet S. R. M.^{as}, quin Rex Poloniae,
apud imperitos rerum & ignaros, actiones S. R. M.^{is}
sit traducturus, vel pactorum obtentu vel aliis rationi-
bus: videlicet primò: debuisse controversias exortas,
per Commisarios utriusq₃ gentis, ad fines Livoniae sopi-
ri, decidiq₃. Secundo: Licet Tractatus pacis prpetuae se-
met

mel iterumq₃ non successisset, firmas nihilominus & in-
violabiles manere debuisse inducias, ad exitum Pacto-
rum. Tertio: Supradicta hæc verba semel iterumq₃,
non pro binis vicibus accipi debere, sed pro pluries repe-
titis; eòq₃ ad tractatus, non ad arma descendi oportere.
Contra primū hoc reponi potest: per Commisarios ad
fines Livoniae nihilo plus obtineri potuisse, quam per bi-
nos Lubecæ solennes conventus; deinde, quæ spes fuisset
decisionis controversiarum per Commisarios ad dictos
Livoniae fines, ubi ne præliminaria quidem iterato Lu-
becæ congressu, annitentibus etiam Mediatorum Lega-
tis, pertractari potuerit? Ad secundum: Cum nihil
præsidii in pactis habuerit S. R. M.^{tas}, quippe toties à re-
ge Poloniae violatis, ad arma decurrere necessum eidem
fuit. Ad hæc ea etiam est Contractuum & pactorum
ratio, ut, cum mutua stent obligatione, altera partium
non teneri se ulterius pactis putet, ubi ab alterutra vio-
lata sunt; nec sine maximo detrimento S. R. M.^{tas} Re-
gni₃ Sveciæ expectari pactorum exitus potuisset, tam
frequentibus & exitiis Regis Poloniae machinatio-
nibus. Tertio, ut pluries, quam bis, Commisarii utri-
usq₃ partis convenirent, contra sensum est pactorum,
quæ necessitatem quandam partibus hoc ipso impone-

re voluerunt absolvendi negotii, ne irritus & repeti-
tus sepiissime congressus, mentes exacerbaret, & par-
tes omnium gentium ludibrio exponeret, maximarumq;
impensarum causa esset. Eo tamen se adduci passa
est S. R. M^{tas}, ut pro suo ad pacem perpetuam studio,
consenserit in tractatus stabilis & duraturæ amicitie,
ea conditione, ut Legati Polonici pro spe à CANASIHLLIO
facta nulla interposita mora advenirent.

Ex hiis omnibus orbi Christiano liquido constare
potest, quam justum S. R. M^{tas} contra Regem Polonia
bellum, quamve necessarium sit, ad antevertendas
perniciosas sepe dicti regis Polonia machinationes.
Proinde S. R. M^{tas} non tantum coram orbe Christia-
no excusatam se fore confidit: verum etiam has ra-
tiones omnibus iis, qui hæc introspicient, etiam subditis
Reipubl. Polonæ, harum machinationum ignaris, pro-
bari posse.





